


www.BibleForChildren.org




San Juan 14



Rnë' Jesús: –Cutu gchixi icj ládxi'dau'li'. Gul-tsejlë'
Dios, len gul-tsejlë' ca' neda'. Lu yu'u lidxë' Xuza' latj
zian nacuá'. La'naru' cu nac cni, neda' chgudxcza' lbi'ili'.
Tsija' na'a, tsajpá'a queëli' latj ga tsajsoali'. Chqui'
huayija' len tsajpá'a queëli' latj ga tsajsoali', huöda'
leyúbl, uchë'a lbi'ili'
latj quia', quië ga
na' tsajsóa'
neda', ni'

tsajsoali'
ca' lbi'ili'.




Neda', Juan, naca' böchi' Iza'li' len tsazxön rzaca'
rguí'lana' Ibi'ili', len tsazxön len Ibi'ili' ruzi'a xbey
le rna bë'ë Dios, len nadél-li'da' yöl-la'

rböz zxön ladxì' na' runnë'
queëru' Jesucristo.




Gatsj lahui'l nis zxön nadzuna' tu luyú bidx ni,
nazí' lei Patmos. Nadzuna' le bena' Iban qui
xtidzë'ë Dios len le bena' Ina' lau queë'


Jesucristo.




La' ni'z gzóalenë' neda' Dios Bö' La'y, ati' blé'ida' ni'
yehua' yubá tu latj ga Nu rö' rna bë', len blé'ida' ca' Nu
na' rö' latj na'.




Ni'r byönda' tul-l yúgu'të bi benë' Dios yehua' yubá len
yödzlyú, len zxanil luyú len lu nis zxön. Tul-l yúgu'të bi
nacuá' yugu' latj na', ta'ná: Yöl-la'
ba Nu na' rö' latj blau, Lenca'
Bönni' na' naquë' Bö'cu' Zxíla'dau'.
Gúnteczru'-në' ba la'n Len
cú'teczru'-në' yöl-la' ba,
Ati' gna
bë'teczë' Lë'.




Neda', Juan, blé'ida' yödź la'y na', nac Jerusalén cub,
ruhuõtj, r-ruj yehua' yubá ga zoë' Dios, chnabá'a qui ca
nabá'a queëbi' bi'i ngul chzoa utság ná'lenbi' bönni'.
Byönda' rui' didza' yehua' yubá nu rna: “Gul-yutsca'. Ga
zoë' Dios zoalen bunách. Sóalenë' lequë', atì' lequë'
lacquë'
bunách queë'.
Dioscz sóalenë'
lequë', gaquë'
Dios quequë'.”




Ni'r bului'inë' neda' tu yegu yeni'dau' gbaz la'y na', le
nac nis yegu runn yöl-la' na'bán. Ryëp yös yení' yegu
na' ca ryëp yös yení' guiöj jar. R-ruj yegu na' lu latj blau
ga rö'ë Dios len ga rö'ë ca' Bönni'
naquë' Bö'cu' Zxíla'dau'.



Cutu run bayúdx tseni'gac lu yödzt na' gbidz len beo', le
uzení' yöl-la' yení' queë' Dios lu yödzt na', ati' naquë' ca'
le uzení' ni' Bönni' naquë' Bö'cu' Zxíla'dau'.



Cutu ca' tsaz ni' nitú le cunác gdu, len nitú le nac xöhui',
len nitú nu rzi' yë', san tsazgac ni' nupz nayujgac lagac
lu guich queë' Bönni' naquë'
Bö'cu' Zxíla'dau', ga na'
nayujgac lagac nup
nadél-li'gac
yöl-la' na'bán.




“Dios uẏxíë' nis rbödẏ zoa yöj lauquë'.
Nutur nu gat, len nutur nu cödẏ, len
nutur nu cödẏ yechi', len nutur nu
saca' qui'i, le chgdöd
quegac lë na' glac zi'al.”




Cutu soa ni' nitú le dxia dö'. Soa lu yödz na' latj blau ga
rö'ë Dios lenca' ga rö'ë Bönni' naquë' Bö'cu' Zxíla'dau',
ati' la'yíj ládxi'quë' Lë' huen dxin queë'. La'lé'inë' lahuë'
Lë', ati' lë' nayúj ra' xgaquë'.



Blé'ida' ca' nup chnatgac, nup nacgac blau len nup
nacgac ca'z, zuicnë' lahuë' Dios. Gulayálj guich, len
gyalj ca' yetú guich ga na' nayujgac lagac nup
nadél-li'gac yöl-la' na'bán gdu. Glequi xbeynë' Dios
nup na' chnatgac tsca nac le nayúj yugu' lu
guich na', lë na' glun. Yajtsazgac latj
ga na' rö' gui' zxön nup cunayujgac
lu guich quegac nup
nadél-li'gac
yöl-la' na'bán gdu.



Tu'ë didza' Dios Bö' La'y len bi'i ngul utság ná'lenbi'-në'
Bönni' naquë' Bö'cu' Zxíla'dau', ta'ně': "Gda." Nu ryöni
didza' ni ral-la' gna: "Gda." Nu rbidx nis len nu rzë ladxi'
lei, ral-la' guid len gui'j nis runn yöl-la' na'bán.



Le bdxí'itsquinë' bunách yödzyú
Dios, budödë' la'z dui Zxi'në',
cui la'nít yúgu'të nup la'yejlë' Lë',
san gata' quequë' yöl-la'
na'bán gdu.



Romanos 3:23

le nunquë' dul-la' yúgu'të' len cutu ca' nacquë' tsahui' ca na'
naquë' gdu tsahui' Dios.

Romanos 6:23

Lazxj nu run dul-la' nac yöl-la' gut, san le runnzë' queëru'
Dios nac yöl-la' na'bán gdu, le rata' queëru' le nacru' tuz
len Xanru' Jesucristo.

Romanos 9:27

Ca na' run bayúdx lat bunách tu Izuz ati' töd ni' cuequi
xbeynë' leygac Dios,



Efesios 2:8,9

Nulali' le zoa le buzá' ladxë'ë queëli' Dios le réjlë'li' Cristo.
Buslë' lbi'ili', clëg le nacué' le nac dxi'a benli' lbi'ili', san le
nac le runzë' Dios. Nutu nu gac gun ba zxön cuini le nulá,
le cutu nulá le nacué' le nac dxi'a nun nu na'.

Romanos 10:9,10

“Chqui' didza' gu'u gac bë' Jesús naquë' Xanu', len
huayéjlë'u gdu ladxu'u Dios buspanë' Lë' lu yöl-la' gut, uláu'
li'.” Lu icj ládi'dau'ru' réjlë'ru' Jesús quië gacru' tsahui' ati'
len didza' rui'ru', rului'ru' lahui le naquë' queëru'
Jesucristo quië ularu'.



San Juan 3:16,17

Le bdxí'itsquinë' bunách yödzlyú Dios, budödë' la'z dui Zxi'në', cui la'nít yúgu'të nup la'yejlë' Lë', san gata' quequë' yöl-la' na'bán gdu. Dios bsölë'ë Zxi'në' yödzlyú ni, clëg quië gchuguë' quegac bunách yödzlyú ni, san quië lulá bunách yödzlyú ni ni'a queë' Lë'.

1 San Juan 5:11-13

Lë ni nac le benë' Ina' lau Dios. Gnë' chbennë' queëru' yöl-la' na'bán gdu, ati' Zxi'në' na' naquë' Nu nabániru' cni. Nu zóalenë' lei Zxi'në' Dios, dë yöl-la' na'bán gdu qui. Nu cuzóalenë' lei Zxi'në' Dios, cutu dë yöl-la' na'bán gdu qui. Lbi'ili' na' réjlë'li'-në' Zxi'në' Dios, ruzuja' queëli' lu guich lë ni quië gnōzili' chdë yöl-la' na'bán gdu queëli', len quië gac gdu ca réjlë'li'-në' Zxi'në' Dios.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Zapotec Southern Rincon NT (zsr) © 1992, Wycliffe Bible
Translators, Inc. All rights reserved.

<https://www.bible.com/bible/736/MAT.1>

©2026 Bible for Children, Inc.

www.M1914.org

www.bibleforchildren.org

